




Cumuni di
Lungoni

Santu Pascali



**REGIONI AUTONOMA DI LA SALDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA**



LA DÌ 17 DI MAGGJU È

Santu Pascali

CHISTU È LU CÒNTU DI
LA 'ITA DI LU SANTU
PRUTITTÓRI DI LI FÈMINI,
DI LI CUCINÉRI E DI LI
PASTICCÉRI



Santu Pascali Baylon nascisi la dì
16 di Maggju di lu 1540, la dì di
Pasca di Fiòri, in Torre Hermosa,
in Aragona.

Di famìlia pòara, da sèndi minóri
lu mandésini a lu pàsculu di
pécuri e capri. In mèzu a lu
trabaddu si punìa abbanda
umbè di ‘òlti pa’ pricàni.





Candu cumprisi 18 anni
dummandési d'esse ammissu illu
cunventu di li francescani
Alcantarini di Santa Maria di
Loreto, e vinisi bucciata la
dummandà, fòssi palchì era
tròppu ciòanu.
Cun tuttu no si smarinési, vistu chi
l'ammittìsini a lu noviziatu la dì 2
di Friàggju di lu 1564.



L'annu infattu, emittìsi la solènni professiòni còm'e «fratéddu làicu» no sintèndisi ancóra dignu di lu sacerdóziu.
Ilu 1576 lu ministru provinciali l'affidési còm'e cumandu, abbèddu priculósu, di pultà documènti ‘mpultanti a Parigi, arrischèndi di esse mòltu da li calvinisti.

Lu cumandu lu pultési a bòn fini e
aìsi una bona 'rrisciuta.

Tutta la 'ita sóia è statu sempri
innammuratu di l'Eucaristia e li
désini lu tittulu di «teologu di
l'Eucaristia».


Scrisi ancóra un libbru innantu a la
'éra presènzia di Cristu illu pani e
illu 'inu.






Murisi illu cunventu di Villa
Real, accultu a Valencia la dì
17 di Maggju di lu 1592, la dì
dapói chi à cumprìtu 52 anni;
Còmu cumbinési la dì chi è
natu, ancóra la dì chi è mòltu
éra dumìnica di Pasca di Fiòri.
Lu canonizzési Alessandru VIII
illu 1690.

Illu 1897 Liòni XIII lu procamési patrònu di li Congrèsi eucarìstichi.
Pa' lu só' disìciu di stà più illu gjustu pussibbili, si suttupunìa di cuntìnù
a pesanti mortificazioni e a pinitènzi sèmpri più nummarósi, a lu puntu
chi lu salutu sóiu era 'inèndi mancu.



A lu funerali abbuiési umbè di gjènti, chi vulia
dà accunòltu e dà l'ultimu salutu a l'umili
fratéddu laicu francescanu, cunnòttu in tuttu
lu mundu cattólicu pa' la só' santitài e pa' li
miràculi chi avvinìsini.





La só' appassiuñata devozioni pa' l'Eucaristia à ispiratu illi sécculi li tanti altisti chi l'àni pòstu in pintùra e in istatua: ill'ópari d'arte, còmu illi 'mmaggjinéddhi devozionali, cumpari sèmpri adorenzi lu Santissimu Sacramentu ill'ostensóriu.

In Nàppuli è ancóra
abbèddu popolari una
preghiera ricitata da li
fèmini chèna maritu:

“Santu Pascali Baylonne,
prutittòri di li fèmini,
fammi agattà maritu,
canu, rùiu e culurìtu,
còm'e te, preccìsu, o
gloriósu santu Pascali!”

Santu Pascali Baylon è lu
prutittòri di li fèmini, di li
cucinéri e di li pasticcéri.





Cumuni di
Lungoni



Santu Pascali



**REGIONI AUTONOMA DI LA SALDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA**

Progettù finanziàtu da la Legghji 482 di lu 1999, altìcculi 9 e 15 e Legghji
Regionali 22 di lu 2018 Annualitài 2024

